

Unta dakra 1

WAN TAWANKA DUSA NANI

Manka ulanka nani 1–3

LAN TAKAYA BAPANKA NANI

Na lan takanka nata alkan pyuara /
skul tuktan nani ba sip kabia

- Kasak param munaya sipkabia dus nani kulkanka tara briba upla nani dukiara
- Laki kaikaya dus satkananira tawan bilara pawiba
- Dus nani tanka aisaya, nahki yusmunayaba, praki keinkanka nani wal, plun, pauta, dista bara ban ban ban

DIA YUS MUNAYABA

- Wahtaya
- Ulbaika dusa mapla nani
- Sisar bara wahtaya prakaika
- Almuk nani skul tuktan barih impakaya

PYUA NAHKI YUS MUNAYA BA

- 5 minits ta krikanka aisanka nani
- 20 minits unta dakra tilara wapanka
- 15 minits lilka nani paskaya
- 20 minits dus tara nani lilka paski unta dakra talika daukaya bara dia lan takamba laki keikaia

Sut bara pyuaba lika awar 1

NATKA NANI

01 Ta krikanka nani

Aisi keikanka nani

- ¿Yawan dia wan tanka brisa dus nani dukiara wan watla nayaraba, wan tawanka bilara wan keina kutbi briba?

02 Pana pana Sinska laka laki keikaya

Sipsakaka almuk wal wapanka briaya

- Almuk kum ra peiwaya, skul tuktan nanira barih impakaya, wapanka prahni kum daukaya unta dakra tilara
- Pliki keikaya dia sat dusa nani wan tasbayara briba
- Dus satka bani dukiara aisaya yawan uplara dia wan daukiba, wiayakaka plun wankisa, sika, pauta bara ban, ban, ban
- Keikaya dus nani bui nahki nawira bara daiwan walara watla yabiba
- Dus nani wahia satka bani wahbaya
- Pyua yabaya skul tuktan nanira almukra makabanka daukaya

Dus nani dukira makabi walaya

- ¿Naha dusa na nina dia sa ispelra bara miskitura?
- ¿Nahki keikisma? (wahyaba, dusa taya nani, yarika ban ban) ¿Nahki naha dusaba keikaya sipsma?
- ¿Dia baku sakisa upla yus munaya dukiara? (dusma, sika, pauta bara diara nani wala sin)

03 Skul tuktan warka nani

Yakan daukaya warka bara tuktika
nani manka wal

- 5 mani: Dus kum lilika paskaya bara uplara dia yabi ba si
- 6 mani: Lilka nani paski bara bila kum uls lilika kumi banira
- 7 mani: Lilka nani paski bara bila wal ulbaya lilka banira
- 8 mani: Lilka nani paski bara bila dakni kum ulbaya lilika kumi banira

Daknira warka

- Skul tuktan kumi bani dus kum lilka paski mapla dinkaisa wapi taukan pyuara keikanba bara Wahia nani sin prakaya maplika yabaya dukiara, nina sin ulbaya
- Dus nani mapla paskamba klaki sakaya bara wahtaya pis tara kum ra prakaya ninkara utla nayara prakaya naha wal unta takra kum baku paskaya
- Wahtaikanani wahia nani ba wal, kumi bani nani bara dusa nani param munanka skul watla nayara prakan kaya sipsa

04 Nata prakanka

Ser munaya pyua

Dakni sirpira (skul tuktan 3 apia kaka 4), ai pana nani wal lilka ser munaisa. Skul bilara sut aikuki aisaya dus nani yamnika ba wan tawanka dukiara.



Unta Dakra 2

INMA SAIKA NANI KULKAN BRIBA

Smalkanka 4-6

LAN TAKAYA BAPANKA NANI

Na lan tanka nata alkan pyuara /
skul tuktan nani ba sip kabia

- Ai tanka kasak brikabia inma saika yamnika ba ai tawanka bilara
- Sinska laka tara brikabia inma saika daukankanani bara nahki yus munaiaba ai tawanka bila kat
- Kasak ai dara walikabia pyu nani aika taki ba wal inma saika nanira rau saukan yabiba



SMALKANKA KAU PRAHNIRA

- Skul tuktan weitna bara mairin maisa pakanka satkara paskankabia wahtaya klakan ka sirpi nanira, inma saika dusa pranikaba ai tawanka bilara
- Skul tuktan kumi bani inma kum wahbi sakaisa an baha inmi ka ba dukiara tanka turbi kaikaisa anira pawiba bara nahki yus muniba
- Tilara dinkankayasa matira nani aisanka, iwanka natka nani bara uplanani inma saika nani wal prakanka nani briba
- Param marikaya nahki naha nani inmika pyu sat wala takiba wal dus nanira rausauhkan ba mita tikaya srihka brih aula ba bara keina kahbaya brinkaba

DIA YUS MUNAYABA

- Tawan dusa liikika paskanka nani mapla dinkaya
- Brih yus munaya sat ka nani ailal (diara prawanani, dus nani wal paskan dukia, mapla nani paskanka, ulbaya dusa maplika satkar, wahtaya prakaika bara sisars
- Wauhtaya pihni piska nani – 10 tuktan banira
- RAQUEL yus munaya kau tanka pliki keikaya dukiara

NAHKI DAUKAYA BA

- 1) Ta krikanka: Matira dahra nani kum ser munaya aisanka bilkak, ba lika dus paskanka dukiara, sika leinkara ta beikanka yabiba bara liikika kum marikaya
- 2) Skul tuktan meirin bara waitna ai tawanka inmika kum wahbi sakaisa (luki keiks inmika dusa kakairasmaba dia pali brinka brinsma apia kaka patitara wina dia lan takramsa ba dusa ba dukiara
- 3) Inmikan dusaba dukiara tanka pliki keiks (keinara lan takanka lukanka nani ba yus muni tanka nani pliki keiks. Inmikan dusa mariks prakanka kum dauki
- 4) Tanka turbi nata alkma pyuara , kirbanka kum dauks unta tilara almuk kum wal, dus tanka, pyu nani sat wala taki ba, bara nahki unta tara rau sauhkanka nani tasba ra sauhki aula ba dahra aisa sip kaka wal wapi tauks
- 5) Wapanka brima pyuara, skul tuktan nani ba ai inmika lilka alka bara paskaya sin sipa
- 6) Wapanka Nata alkan pyuara skul watlara kli wihki ta krikayasa param munanka wauhkataya nani paski
- 7) Skul tuktan nani ba pana pana aiwarka tanka ba ser muni banwankabia bara ai pana nanira sin marikan kabia

Unta Dakra 2

INMA SAIKA NANI KULKAN BRIBA

Smalkanka 4-6



TA PAHKANKA, SKUL TUKTAN NANIRA MAKABI WALANKA DAUKAYASA TURBI SAKAYA WARKA NANI LEINKARA

- ¿Tem nani sins takanka ba nahki pali Bosawas bilara patira inmika saika nanira sauki aula sa?
- ¿Dia brih daukanka ba naha inmika nanira pawankara trabil yabisa ?
- ¿Día muni wan dusa nani ba keina kahbaia nit sa? ¿Nahki wan tasbaya ba asla sa, yawan ya ba bara wan iwra wihta ba wal?
- ¿Dia baku man brisma lalah mana pali sin wal sip atraskamaba? ¿Naha paskanka pranaba nahki keina kahbaya sipsma?

BRIH DAUKANKA SATKA NANI BA

- Ulbi sakanka sinska laka brinka ba, sipsa ulbi sakankaya makabi walanka baku wina bara satka ailal nani kum kum ra lakaya, skul tuktan nani kau sirpi nani sirka (Praki keikanka: Inmikam nina, anira pawisa, dia bahki ra yus muni ba, lilka kum sin dinkan kayasa)

LAN TAKANKA LAKI KAIKANKA

- Pulanka kum daukaya, inma dusa lilika nina ulbraskira wal, skul tuktan nani ba dusa nina ba pliki sakan kayasa
- Laki kaikaya daknika kumy bani dia lan takan ba